



Sermon  
Kxf. Dr. Numlaajtsheb Yaaj

“Tus Cag Uas Sawv Kav Tibneeg”

Second Sunday in Advent  
Our Savior Lutheran Church  
12-4-2022

Thov txojkoob hmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Loos 15:12** “And again, Isaiah says, The Root of Jesse will spring up, one who will arise to rule over the nations; in him the Gentiles will hope – *Rov hais duas, Yaxayas haistias, Yexes tus cag yuav sawv tuaj, yog tus uas sawv los kav tibneeg; lwm Haivneeg yuav cia siab rau ntawm nws*”. Nov yog Vajtswv Txojlus. (Cross Reference – Yaxayas 11:10, Mathais 12:21, 1 Yauhas 3:3, Tshwmsim 5:5; 22:16, Loos 1:1; 15:9-11, 13-14)


Illustration “Cajceg” (Show a family tree)




Cov kwvtij hlub thiab movtshua, peb cov Hmoob thaum twg peb sibtham nrog lwmtus tibneeg peb yeej nug lawv haistias, “Nej yog pab twg, pawg twg, thiab thaum nyob tebchaws nplog nej nyob lub tebchaws twg?” Dhau ntawd peb tseem nug ntxiv haistias, “Nej yawgkoob yog leejtwg losyog tus thawjcoj ntawm nej pab kwvtij yog leejtwg?” Thaum koj nug losyog piav tej no rau tus tibneeg ntawd tag lawm, neb thiaj li paub sib zeem sibhu saib koj yog phaj kwv, phaj tij losyog lwmxeem no ces koj thiaj li yuav paub hu haistias saib yog txivntxawm, txiv laus, dablaug losyog yawmyij etc.

Keebkwm ntawm peb caj peb ceg saib peb los qhovtwg los tseemcee heev nyob rau hauv peb cov Hmoob lub neej. Yog koj paub qhia koj cajceg rau tus koj nrog tham ntawd ces hluag yuav totaub haistias koj pab tibneeg yog pab twg thiab nyob qhovtwg los li cas. Thaum no nej yuav paub sibhu thiab paub ua kwvtij losyog neejtsa rov rau yav tomntej. (Show Romans 15:12)

I. Nyob rau Vajluskub Tshiab Paulus tsabntawv sau mus txhawb cov ntseeg nyob rau Loos haistias,




“And again, Isaiah says, The Root of Jesse will spring up, one who will arise to rule over the nations; in him the Gentiles will hope – *Rov hais duas, Yaxayas haistias, Yexes tus cag yuav sawv tuaj, yog tus uas sawv los kav tibneeg; lwm Haivneeg yuav cia siab rau ntawm nws*”. (Loos 15:12) Paulus tsabntawv yog sau mus txhawb cov ntseeg nyob rau Loos kom lawv tsis txhob tag kev cia siab tiamsis lawv yuavtsum muaj kev cia siab txawm haistias lawv yog lwm haiv tibneeg. Lawv yuavtsum sib txhawb zog los ntawm txojkev ntseeg vim Vajtswv twb pub koobhmoov rau lwm haiv tibneeg los rau Vajtswv txojkev cawmdim lawm. Yog li ntawd, Paulus thiaj li hais kom lawv yuavtsum qhuas tus Tswv. (Show Isaiah 11:1)




Hnubno Paulus tsabntawv rau cov ntseeg nyob rau Loos yog hais los ntawm tus xibhwb Yaxayas 11 qhia haistias Yexes cajceg yuav sawv los kav tibneeg. Nyob hauv Vajluskub qub, ntau qhovchaw sau txog tus ntoo uas hlav ntawm Yexes cajceg. Yaxayas 4:2; 11:1 “In that day the Branch of the LORD will be beautiful and glorious... A shoot will come up from the stump of Jesse; from his roots a Branch will bear fruit. – *Hnub ntawd ib tus cag ntawm tus Tswv yuav zoo nkauj thiab tshiab*

*kig...Ib tus ntsuag yuav hlaw ntawm lub hauv paus ntoo ntawm Yexes los ntawm nws tus cag thiab yuav txi txiv ntau.*” Xekhaliyas 7:8; 6:13 “I am going to bring my servant, the Branch.... It is he who will build the temple of the LORD, and he will be clothed with majesty and will sit and rule on his throne ... – *kuv yuav coj kuv tus tubtxib, tus cag... Nws yuav yog tus ua tus Tswv lub tuamtsev, thiab nws yuav hnav tej ristsho ci ntsa iab thiab yuav zaum thiab kav lub vajloog...*” (Show the Yang family tree)




Cov kwvtij, nej txhuatus yeej muaj cajceg, “nov txhais tau haistias txhua pab kwvtij yeej muaj tus cag uas xub pib” nov yog pib ntawm nej pojkoob yawgkoob los suav teb los rau tebchaws nplog, thaib, nyablaj, qabmim thiab lwm lub tebchaws nyob rau “Southeast Asia” ces mam li pib ntawm nej txiv thiab nej niam los rau ntawm nej tus kheej. Yog nej ua tibzoo saib, twb dhau tsheej puas xyoo los lawm puas yog? Ntau xyoo tomqab uas Yexus pib nws qhov ministry, tibneeg hu nws haistias, “the Son of David – *Daviv tus Tub*” (Lukas 18:38) Mathais thiab Lukas puavleej sau haistias Yexus cajceg yog los ntawm Yixalayeess tus vajntxwv. Cov thwjtim thiab cov tubtxib totaub haistias Yexus yog tus kav Daviv lub vajloog thiab nws lub tebchaws.

II. Paulus sau tsabntawv mus txhawb cov ntseeg nyob rau Loos kom cov ntseeg tsis txhob tag kev cia siab. Vim feem ntau ntawm cov ntseeg yog “gentile – lwm haiv tibneeg”. (Show Romans 15:13)



Paulus hais kom lawv tsis txhob txhawj vim Paulus pom tias Yexus Khetos yog tus cag uas sawv kav tibneeg uas yog tus Cawmseej rau lub ntiajteb lawm. Paulus xav kom cov ntseeg yuavtsum mob siab ua Vajtswv tes dejnum thiab tivthaiv txojkev ntseeg tseeb thiab sawv khovkho rau ntawm Txojmoozoo. Cov ntseeg yuavtsum cia siab rau txojkev cawmdim ntawm Yexus Khetos. Vim yog txojkev ntseeg, Paulus thiaj li haistias, “May the God of hope fill you with all joy and peace as you trust in him, so that you may abound in hope - *Thov Vajtswv tus uas nej cia siab rau, pub nej muaj kev zoosiab thiab nyob kajsiaib lug los ntawm nej txojkev cia siab rau nws, kom nej muaj kev ciasiab rau (Vajtswv) heev zuj zus.*” (Loos 15:13). (Show Babylonian)



Nyob rau Vajluskub Qub uas nyob rau Yelemis tiam, cov Yixalayeess tu siab heev thiab tag kev cia siab quaj qws thov kom Vajtswv pab lawv. Lawv txhawj txog haistias tej tibneeg uas yog cov yeebncuab tuaj ua phem rau lawv lub tebchaws nrog rau haiv tibneeg puamtsuaj tag. Xyoo 586 b.c vajntxwv Nnpukajnexales thiab nws pab tubrog Npanpisloos tuaj txeeb tau lub nroog Yeluxalees. Lawv muab tej tuamtsev hawm

Vajtswv hlawv, txeeb lawv tej khoom zoo thiab ntes haiv tibneeg Yixalayeess coj mus ua qhev. Cov Yixalayeess poobsiab thiab txhawj txog haistias lawv tus vajntxwv Daviv cajceg yuav tu mus thiab yuav tsis muaj cajceg sawv rov los tswj lub tebchaws nyob kajsiaib lug li qub lawm. Nov zoo nkaus li tsobntoo uas muab txiav tu lawm. Yuav ua li cas rov ciah tau? Tshuav lub hauvpaus ntoo lawm xwb es nws yuav hlawv tau li cas? (Show Isaiah 11:1)




Tiamsis, Vajtswv coglus haistias, yuav muaj duas tsobntoo yuav hlawv thiab yuav hlob tuaj. Yaxayas sau haistias, “A **shoot will come up from the stump of Jesse; from his roots a Branch will bear fruit** – *Ib tus ntsuag yuav hlawv ntawm lub hauv paus ntoo ntawm Yexes los ntawm nws tus cag thiab yuav txi*

*txiv ntau.*” (Yaxayas 11:1) Txawm vajntxwv Daviv cajceg txiav tu lawm los tus vajntxwv Xailas rau Pawxias cia cov Yixalayeas rov los nyob Yeluxalees. Vajntxwv Daviv cajceg thiaj li rov pib duas. Yexus thiaj li yug los rau lub nroog Yeluxalees yug rau Maivliag thiab Yauxej nkawd tsevneeg. Kev hais rau yav tomntej thiaj li muaj tiav hlo raws li tej lus cogtseg uas haistias, “A **shoot will come up from the stump** of Jesse; **from** his roots a Branch **will** bear fruit – *Ib tus ntsuag yuav hlav ntawm lub haus paus ntoo ntawm Yexes los ntawm nws tus cag thiab yuav txi txiv ntau.*” (Yaxayas 11:1).


(Show our pardon and God’s Purpose)

III. Paulus sau txog tus cag uas sawv kav tibneeg yog hais txog peb tus Tswv Cawmseej Yexus Khetos.



Yexus yog tus cag los theej tibneeg ntiajteb txojkev txhaum. Paulus thiaj li sau haistias, “Therefore, just as sin entered the world through one man, and death through sin, and in this way death came to all men, because all sinned... God's grace and the gift that came by the grace of the one man, Jesus Christ, overflow to the many!... For just as through the disobedience of the one man the many were made sinners, so also through the obedience of the one man the many will be made righteous – *Txojkev txhaum los rau ntiajteb los ntawm ib tus txivneej thiab muaj kev tuag los ntawm txojkev*

*txhaum, yog li ntawd txojkev tuag thiaj li los rau txhuatus tibneeg vim yog txojkev txhaum... Vajtswv txojkev hlub thiab pub los ntawm ib tus txivneej, Yexus Khetos, rau ntau tus txivneej!... Vim ib tus txivneej tsis mloog lus, thiaj li ua coob tus txivneej tsis mloog lus, tiamsis los ntawm ib tus mloog lus, ua tau coob tus ncaincees.* (Loos 5:12, 15, 19). (Show tree of evil and tree of the cross)



Thaum Vajtswv tsim tibneeg, dabntxwngnyoog siv tsoob ntoo los dag Adas thiab Evas poob rau txojkev txhaum. Tiamsis Yexus siv tsoobntoo uas yog tus ntoo khaublig los kovyeej txojkev txhaum, kev tuag thiab dabntxwngnyoog lub hwjchim. Yexus yog tus cag peb yog cov hmab peb thiaj li yog nws tsevneeg. Peb yog Vajtswv cov menyuam los ntawm peb txojkev ntseeg kev cia siab rau Vajtswv tus Tub Yexus Khetos uas yog peb tus Tswv. Yauhas 1:12-14 sau haistias,

“Yet to all who received him, to those who believed in his name, he gave the right to become children of God— children born not of natural descent, nor of human decision or a husband's will, but born of God. – *txhuatus uas txais yuav nws, txhua tus uas ntseeg nws lub npe, nws pub lawv los ua Vajtswv cov menyuam – menyuam tsis yog yug los ntawm tibneeg txojkev losyog tus txivtsev siabnyiam, tiamsis yog yug los ntawm Vajtswv.*” (Show picture of new root – Angel Trumpet Flower)



Kuv muaj ib tsoob paj uas tus cag twb qhuav tag thiab twb yuav muab povtseg. Tiamsis nws cia li hlav duas ib tus cag ntsuabxiab tuaj thiab muaj sia rov tawg paj duas. Qhov no zoo sisthoj li peb txojkev ntseeg. Thaum twg peb xav haistias peb txojkev ntseeg tuag lawm tiamsis Vajtswv yeej tsis tau tso peb tseg. Nws yuav ua kom peb rov loj hlob muaj lub neej tshiab los nyob tau ze rau ntawm Vajtswv txojkev hlub. Thaum peb paub li no lawm peb tsuas muaj ua nws tsaug vim nws yog tus cag uas twb sawv kav tibneeg mus ibtxhis thiab ibtxhis. Lub caij no twb ze rau lub sijhawm “Christmas – Yexus yug” thiab ntau tsoobntoo yuav raug txiav coj los eb ua Christmas tree npaj rau lub koobtsheej Christmas. Tiamsis tsoobntoo tseemceeb uas twb raug muab txiav, nws rov tuaj tus cag uas ncaincees sawv los kav tibneeg uas yog los pub txojksia rau tus uas ntseeg thiab cia siab rau Nws. Yog li ntawd peb yuavtsum nco ntsoov haistias tsoobntoo tseemceeb yog tus cag uas sawv kav tibneeg los ntawm nws txojkev tuag theej tibneeg txojkev txhaum, kev tuag thiab dab hwjchim. Tus ntawd yog peb tus Cawmseej Tswv Yexus Khetos. Asmees.

Thov kom Vajtswv txojlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.